



Na osnovu odredaba člana 20. Zakona o slobodi pristupa informacijama u Federaciji Bosne i Hercegovine („Službene novine Federacije BiH“, broj 32/01), a u vezi sa odredbama iz Smjernica za uspostavu i jačanje interne kontrole kod budžetskih korisnika federalnog ministarstva finansija broj 08-02-1235/05 od 11.03.2005. godine (Sl. Novine Federacije Bosne i Hercegovine br. 19/05). Ministar prometa i komunikacija Kantona Sarajevo. d o n o s i

VODIČ **za pristup informacijama** **u Ministarstvu prometa i komunikacija** **Kantona Sarajevo**

U V O D

Ovaj vodič ima za cilj da pomogne podnosiocima zahtjeva u ostvarivanju prava za pristup informacijama u Ministarstvu prometa i komunikacija Kantona Sarajevo.

U skladu sa odredbama Zakona o slobodi pristupa informacijama u Federaciji Bosne i Hercegovine („Službene novine Federacije BiH“, broj 32/01), pod pojmom informacije podrazumjeva se informacija, odnosno svaki materijal kojim se prenose činjenice, mišljenja, podaci ili bilo koji drugi sadržaj, uključujući svaku kopiju ili njen dio, bez obzira na oblik, karakteristike, vrijeme kada je sačinjena i kako je klasificirana.


POSTUPAK ZA PRISTUP INFORMACIJAMA

I

Svakoj osobi (pravnoj i fizičkoj), omogućava se pristup informacijama koje su pod kontrolom Ministarstva prometa i komunikacija Kantona Sarajevo (u daljem tekstu: Ministarstvu), a koje su sadržane u indeks – registru informacija u prilogu kao sastavnom dijelu ovog vodiča, u skladu sa Zakonom o slobodi pristupa informacijama u Federaciji Bosne i Hercegovine.

II

Ministarstvo je smješteno u Sarajevu u ulici Reisa Džemaludina Čauševića broj 1. na prvom spratu. telefon broj 033/562 – 058.





IV

Ako se pismeni zahtjev odnosi na pristup informacijama, za koje organ nije u mogućnosti da udovolji, o tome će odlučiti rješenjem koje mora da sadrži razloge nepostupanja po zahtjevu, pouku o pravnom lijeku i načinu ulaganja pravnog lijeka, kao i uputu o pravu i načinu obraćanja Ombudsmenu Federacije BiH.

V

Pravo pristupa informaciji može biti ograničeno u slijedećim slučajevima:

- interesa odbrane i sigurnosti, kao i zaštite javne sigurnosti,
- spriječavanje kriminala i otkrivanje kriminala,
- zaštite postupka donošenja odluka u organu, uključujući davanje mišljenja, savjeta ili preporuka bilo da se radi o zaposlenom u organu ili drugom licu koje radi za ili u ime organa, s tim da ne obuhvata činjenice, statističke, naučne ili tehničke informacije,
- ako zahtjev za pristup informaciji uključuje povjerljive komercijalne interese,
- ako zahtjev za pristup informaciji uključuje lične (osobne) interese koji se odnose na privatnost trećeg lica.

VI

Organ će saopštiti traženu informaciju bez obzira na izuzetak, ako je to opravdano javnim interesom, pri tom uzima u obzir svaku korist i štetu koju može proizvesti saopštavanje informacije.

Prilikom donošenja odluke da li je opravdano saopštiti informaciju sa aspekta javnog interesa, Ministarstvo će razmotriti okolnosti koje su utvrđene u Zakonu.

Ako organ utvrdi da je dio tražene informacije kao izuzetak, onda izdvaja taj dio, a saopštava ostali dio informacije, osim ako na taj način razdvajanja informacije nije postala nerazumljiva.

VII

Kad Ministarstvo u cjelosti ili djelomično odobri pristup informaciji, rješenjem će obavijestiti podnosioca zahtjeva:

- o mogućnosti ličnog pristupa informaciji u prostorijama Ministarstva, ili će podnosiocu zahtjeva dostaviti informaciju u pismenoj formi, ako je ista kraća od deset strana,
- o mogućnosti umnožavanja informacije koja sadrži preko deset strana, i obavezi podnosioca zahtjeva da izvrši uplatu u vidu naknade troškova na blagajni – računovodstvo Kantona Sarajevo, u iznosu od 0,50 KM po jednoj stranici, odnosno 5,00 KM po jednoj disketi.





VIII

U slučaju da se donese rješenje kojim se odbija zahtjev za pristup informacijama, rješenje se dostavlja podnosiocu zahtjeva, navodeći zakonski osnov za status izuzeća informacije, zatim sva materijalna pitanja koja su uticala na donošenje rješenja, te rok u kojem se podnosi žalba Ministru prometa i komunikacija, u skladu sa Zakonom o upravnom postupku („Službene novine Federacije BiH“, broj 2/98 i 48/99), kao i pouku o pravu obraćanja Ombudsmenima Federacije BiH.

IX

Rješenja iz tačke VII i VIII dostavljaju se podnosiocima zahtjeva najkasnije u roku od 15 dana od dana podnošenja zahtjeva, osim u slučajevima kad je neophodno dobiti izjašnjenje treće strane o saopštavanju povjerljivih komercijalnih informacija, odnosno informacija koje se odnose na privatnost treće osobe, kao i u slučaju kada je Ministarstvo dužno da obavijesti treću stranu da će zbog postojanja javnog interesa saopštiti informaciju koja je utvrđena kao izuzetak od saopštavanja.

X

Na svako kršenje ovog vodiča primjenjuju se sankcije utvrđene u skladu sa zakonskim propisima koji su na snazi u Federaciji Bosne i Hercegovine.

XI

Suprotnost neke odredbe ovog vodiča sa pozitivnim zakonskim propisima ne utiče na njegovu valjanost u cjelini, već će se umjesto odredbe suprotne zakonskim propisima primijeniti odgovarajuća zakonska odredba.

XII

Ovaj vodič stupa na snagu danom donošenja.



Mihajlo Krmpotić, dipl. ing. geod.

Prilog:

- *obrazac zahtjeva za pristup informaciji*
- *Indek-registar informacija*

Broj: *04-C5-14257/C7*

Datum: *11.05.2007.g.*





Na osnovu člana 20. tačka 1) Zakona o slobodi pristupa informacijama u Federaciji Bosne i Hercegovine („Službene novine Federacije BiH“, broj: 32/01 i 48/11), Uputstva za provođenje Zakona o slobodi pristupa informacijama u Federaciji BiH („Službene novine Federacije BiH“, broj: 57/01 i 48/11), ministar saobraćaja Kantona Sarajevo donosi

VODIČ
o izmjenama Vodiča za pristup informacijama
u Ministarstvu prometa i komunikacija Kantona Sarajevo

I

U Vodiču za pristup informacijama u Ministarstvu prometa i komunikacija Kantona Sarajevo, broj: 04-05-14257/07 od 11.05.2007. godine, naziv Vodiča mijenja se i glasi: “Vodič za pristup informacijama u Ministarstvu saobraćaja Kantona Sarajevo”.

U cijelom tekstu Vodiča riječi: “Ministarstvo prometa i komunikacija Kantona Sarajevo” zamjenjuju se riječima: “Ministarstvo saobraćaja Kantona Sarajevo” u odgovarajućem padežu.

II


U tački VII stav 1. alineja 2., riječi: “0,50 KM” se zamjenjuju riječima: “0,10 KM”.

III

Vodič se primjenjuje od dana njegovog donošenja.

Broj:04-49-21028/16
Sarajevo, 10.06.2016. godine

Dostaviti:
1.Naslovu
2.A/a



M I N I S T A R

Dr.sc-Mujo Fišo

